



**Ivsti Rycqvii Canonici Gandavensis, Civis Romani, De
Anno Secvlari Ivbileo Syntagma**

De Rycke, Josse

Antverpiae, 1624

Capvt VII. Ivbilevm Chronicvm: eo anni supputati. Dionysia & Agones Sacri
Græcorum; Lustra & Agones Capitolini Romanorum: Anni Semità, &
Sabbatici Hebræorum. Seculum Iubileum. γενεά Herodici XXV. ...

[urn:nbn:de:hbz:466:1-64507](https://nbn-resolving.de/urn:nbn:de:hbz:466:1-64507)

bius Libro i. Saturnal. c. XVI. quem, si opus, studiosus Antiquitatis consulat. Corollarij vice subnectam Hesiodi, antiquissimi Poëtæ, de fortunatâ Heroum sede sententiam, quibus Terram suâ sponte, ter in anno, fructum proferre sic tradidit:

Ολβιοι νέρες, τοῖσις μελιδές καρπῶν
Τερ, οὐτε έτες θάλαστα φίγες ζειδωροὶ ἄργει.

*Lib. i.
έργων κα
ημ.*

Hoc est:

O fausti Heroes, queis dulcis germina fructus
Ter, quocumque anno, Tellus fecunda reportat.

Idemque Vates ferreâ demum ætate ferreos homines enatos fingit, qui neque sibi neque Telluri parcerent, improbo labore, die ac nocte, continuò instantes.

C A P V T V I I .

*IUBILEVM CHRONICVM: eo Anni sup-
putati. Dionysia & Agones Sacri Gra-
corum; Lustra & Agones Capitolini Ro-
manorum: Anni Semità, & Sabbatici
Hebraeorum. Seculum Iubileum. γεννή He-
rodici XXV. Annorum.*



Vperest altera Hebraici I U B I-
L E I pars, quod CHRONICVM
appellauimus ἀνὸ τὸ χρόνος, sive à
Temporum in Fastis ac Mo-
numentis Publicis distinctione.
Quem Ritum apud Hebraeos olim obseruatum

C 3

docuit

docuit me Eusebius Cæsariensis in Chronico, cùm ad Annum Orbis conditi ००. ००, ita annotauit: Principium XL I. IVBILEI secundum Hebræos. IOBEL autem apud eos Quinquagenarius annus vocatur. Itaque iuxta suppitationem eorum ab Adam, vsque ad annum præsentem, sunt anni ००.००. Et iterum anno Septimo post mortem Mosis: Principium LI. IVBILEI secundum Hebræos. Vnde perspicuum fit distinguendis Seculis atque Ætatibus IVBILEOS annos, tamquam Solemne maximum, à Iudæis Chronologis adhibitos. Augustinus tamen Torniellus, Annalium Scriptor, parcius, immò vix, huiusmodi IVBILEORVM ærâ usos putat, siue ex merâ cærimoniarum suarum negligentia, siue aliis de caussis quas ad primum annum ingressio[n]is in Terram Chanaan, quartâ Mundi ætate, diffusiùs explicauit. Rem tamen utilem, ac magno Veteris Historiæ bono & commodo futuram, si eam Tempora supp[er]putandi consuetudinem constanter tenuissent. Eorum vicem recentiores Hebræos uti putat Iosephus Scaliger Annis Semita, qui hodiè in locum Annorum Hebdomadicorum ipsis successerunt. Sicut enim magnâ Hebdomade Anni Iubilei, ita & minutâ Anni Sabbatici in Annis distinguendis usos veterustiores è Iosepho Historico potissimum colligitur, bella quædam & obsidiones iis annis gesta subinde obseruante. Vtriusque autem Anni Iubilei ac Sabbatici Æram, ab anno primo ingressio[n]is in terram promissam rectius computari, paullò infrâ probabimus: etsi varij variè dissenserint. Evidem ut Hebræorum Chronologi,

Lib. 3. de em.
Temp.

logi, de Eusebij sententiā, tempora per IUBILEOS & SABBATICOS, ita Græcorum per DIONYSIA primū, deinde per OLYMPIADES ac PYTHIADES, Sacros Agones, distinxere.

De Dionysii Suidæ testimoniu est in hac voce:

Ἐθος ἦν Αττικῶν λέγεσθαι τὰ ἔτη καὶ τὸ ὄπερα περί πολιτείας ἀριθμούς ἀνὸ τῶν Διονυσίων. Id est: Moris fuit Atheniensibus annos & eorum numerum ducere à sacris Dionysiacis. De sacris Agonibus notius est quām ut testimoniis firmari egeat. Hanc consuetudinem, ut multa alia Græcorum, æmulati Romani Veteres Lustris primū Censoriis, deinde Agonibus censoriis.

ſue Certaminibus Capuolinis ſeriem Temporum annotāunt. Porrò IUBILEI voce Annum etiam Quinquagesimum intelligi, è laudatis Eu-

ſebij verbis, & qui eum fecuti ſunt Ioanne Fun- in Etymolog.
gero, Georgio Crucigero, aliisque eruditis viris in Harr. +.
Linguarum.

affirmari poſſe videtur: neque apud Hebræos modò, ſed etiam Chaldaeos, apud quos, voce paululum mutatā IOBILHA nominatur. Neque Annus modò ipſe, ſed ſpatium illud quod Quinquaginta Anni defluentes conficerent, ea- dem voce Hebræis appellatur. Quā ratione שׁבת SABATH in Diuinis litteris pro Hebdomadæ cuiusque fine, & ipſâ Hebdomadâ ſumi peritiores obſeruarunt. Inde quod ait Pharisæus, apud Lucam, iactabundus: *καὶ εὐα δἰς τῷ ιεινῷ διὶς οὐαβάτῳ;* ſic accipiendum, ut bis in Hebdomade ſe iejuicare glorietur. Quod etiam eft apud Evangelistas, *μή ταββάτων;* ſic exponunt, una Sabbe
ci. ut primam Hebdomadæ diem intelligent: eam ſcilicet, quæ festum SABBATI diem conſequitur. Annus quoque Semitā, iuxta Scaligerum,

LIB. 3. c. 2.

non solā in annum quemque Septimum recentioribus Hebræis, sed &c. in annorum ēδομαδα, siue spatum Septem Annorum integrum rotundumque complectitur: quale spatum etiam **SABBATVM ANNALE** dictum vetustioribus Franciscus Ribera, in Rebus Sacris Hebræorum, nuper annotauit. Annus autem **IUBILEVS**, qui quadam ratione ῥιββαλος ταββάτων erat, non ēδομας ēδομαδα, tamquam viuens temporis plenitudinem in se continens, optimâ ratione **SECVLVM** in Diuinis Libris vocatur: nominatum Exodi xxii. cap. his verbis. *Quod si dixerit seruus Diligo Dominum meum, & vxorem ac liberos, non erediar liber: offerat eum Dominus Dñs, & applicabitur ad ostium, & postes, perforabitq; aures eius subula, ET ERIT EI SERVVS IN SECVLVM.* De quo eius loci sensu ita Isidorus Lib. v. Originum: **SECVLA generationibus** consistunt, & inde Secula quod sequantur. Ab euntibus enim aliis alij succidunt. Hunc quidam **Quinquagesimum Annum** dicunt, quem Hebrai **IUBILEVM** vocant. Ob hanc causam & ille Hebreus qui propter vxorem & liberos amans Dominum suum aure pertusâ seruitio subiugatus seruire in seculum iubetur, hoc est, vsque ad Annum **Quinquagesimum**. Vbi quid sit generationibus consistunt non adeò capio, nisi forte quatuor *vera* intelligantur, siue minorâ **Secula xxv. Annorum**, Centenario Seculo Magno comprehensa, iuxta opinionem Herôdici Philosophi apud Censorinum; et si, ex opinione aliorum, (quam & hic forte Isidorus tangit.) **Generatio** unaquaque centuni annorum spatum, quod humanæ viræ lon-

longissimum putant, atque certissimum, comprehendat. Vnde & M. Varro doctissimus omnium Togatorum: *Seculum* (inquit) *spatium annorum centum vocatur dictum à Sene, quod longissimum spatium senescendorum hominum id putatur.* Lib. 5. de L. Z.
 Censorinus ita distinguit ut *Seculum Naturale* sit spatium humanæ vitæ longissimum partu & morte definitum; *Civile*, quod Centenario annorum orbe transfigitur. Porro ut in *Seculo* definiendo non una omnibus sententia est, ita neque *Aetatis* aut *Aevi* eadem ubique significatio. Ait enim Isidorus: *Aetas pleraque dicuntur & pro uno anno, ut in Annalibus; & pro septem, ut hominis; & pro centum, & pro quoquis tempore, quod de multis seculis instruitur. Aeum etiam pro humana vita, & longissimo quoquis tempore, pro ipsa denique Aeternitate apud omne scriptorum genus indifferenter accipitur, & usurpatur.* Cùm ergo in Mosaica lege Bina IVBILEI secula centenario quoque Annorum gyro clauderentur, duas Legum Tabulas mystice referentia; merito CHRISTIANAE FELICITATIS tempore, cùm Sacrum DEI EVANGELIVM quaternis scriptum voluminibus in quatuor orbis partes propagatum est, Quaterna Gratiae ac Remissionis SECVLÀ singulis redeunt Centenariis, XXV. Annorum spatiis definita: quo spatio, ex Herodici sententia, Orbem unius Aetatis exemplus, ac Natura humana à sementi ad semetem reuertitur. Verè corrupta nostra Natura Anno Seculari à sementi ad sc̄nentem reuertitur cùm relicta veteris nequitiae & impietatis operibus sementem Pœnitentiæ concipit: de apud Cense rin.

C 5 quā

*Psalm. 115.**Psal. 50.**Mosch. 13.**Mosch. 13.*

quâ seminatione Regius Propheta: *Qui seminant in lacrymis, in exultatione metent.* cùm pariter Verbi Diuini semen *corde contrito & humiliato recipit*, vt fructum afferat *sexagesimum ac centesimum*, Deo gratum & acceptum, in labore ac patientiâ: cùm denique à flementi odij, iracundia, peruicaciæ, vindictæ, ad fementem Pacis, Concordiæ, Benignitatis ac Clementiæ, pessimum etiam quemque, Diuinæ Gratiæ aspirante Fauonio, perduci videmus. Quam verè admirabilem Metamorphōsin olim prædixerunt, Isaias cap. xxxv. *Lætabitur deserta, & inuia, & exultabit solitudo, & florebit quasi lilyum.* Et iterum: *In cubilibus in quibus prius dracones hababant, orietur viror calami & iunci.* Et Regius Propheta Psalm. LXIV. *Benedices corona ANNI BENIGNITATIS Tuae, & campi tui replebuntur ubertate.* Pingueſcent speciosa deserti, & exultatio ne colles accingentur. Induti sunt arietes ouium, & valles abundabunt frumento. Valles scilicet per insignem Pœnitentiam & sinceram peccatorum expiationem in conspectu Domini, & Ecclesiæ eius Sanctæ, humiliatæ: ac proinde, Diuinâ superabundante Gratiâ & Indulgentiâ, repletæ. Faxit summus ille Agricola ne in nouitiis agellis *veniens inimicus homo superseminet Zizania*, & fementem Patrifamilias odiosâ moli tione perturbet.

C A-